

19.05.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 419717/01

ՎԱՐՉԱԿԱՆ ԻՐԱՎԱԽԱՍՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 19.05.2020թ. թիվ 16464 վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ 16464 գործը և կից նյութերը,

ՊԱՐԶԵՑԻ

Համաձայն հարկային մարմնում առկա անձնական հաշվի քարտի մնացորդների վերաբերյալ տեղեկանքի <<ԱՐՓԻՆԵՏ>> ՍՊԸ-ի տնօրեն Արմեն Մուրադյանը (ՀՎՀՀ 04719683) ՀՀ օրենսդրությամբ սահմանված ժամկետում չի վճարել կազմակերպության հարկերը, որի հետևանքով կազմակերպության պարտավորությունները ՀՀ պետական բյուջեի նկատմամբ առ 24.03.2020թ-ի դրությամբ կազմել են 4964007 դրամ, որից 4949160 ՀՀ դրամ գումարն առաջացել է 2020թ շահութահարկի 1-ին եռամսյակի կանխավճարից, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 170³ հոդվածով:

Կողմը պատշաճ ծանուցված լինելով ներկայացրել է դիմում առ այն, որ 2020թ 1-ին եռամսյակի շահութահարկի կանխավճարի գումարը դեռ պետական բյուջե փոխանցվել է 16.03.2020թ: Հայտնել է նաև, որ ընկերության կողմից արդեն իսկ վճարվել է վերոնշված հարկային պարտավորությունը, ինչպես նաև ևս մարտի 25-ին 5000000 ՀՀ դրամ գումար փոխանցվել է պետական բյուջե: Խնդրել է վարչական վարույթի շրջանակներում հաշվի առնել վերոնշված բոլոր հանգամանքները:

ՊԵԿ տեղեկատվական համակարգում առկա տվյալների ուսումնասիրության արդյունքում հայտնի է դարձել, որ 18.03.2020 թվականին ներկայացվել է 2019թ շահութահարկի տարեկան հաշվարկը, որից առաջացել է 35453988 ՀՀ դրամ գումար, որի վճարման ժամկետն մինչև ապրիլի 20-ն է: Դեբետային մնացորդում առկա 4821348 ՀՀ դրամ գումարով մարվել է 2020թ փետրվար ամսվա ավելացված արժեքի հարկի և ակցիզային հարկի միասնական հաշվարկից առաջացած հարկային պարտավորությունը, իսկ 2020թ շահութահարկի 1-ին եռամսյակի կանխավճարից առաջացած հարկի գումարը վճարվել է սահմանված ժամկետից ուշ՝ 25.03.2020թվականին:

Արարքը նախատեսված է Վարչական իրավախախտումների վերաբերյալ ՀՀ օրենսգրքի 170³ հոդվածով, սակայն հաշվի առնելով այն հանգամանքը, որ Խաչատուր Արմեն Մուրադյանի կողմից 19.05.2020թ դրությամբ վերոնշված հարկային պարտավորությունները ամբողջությամբ կատարվել են, ինչպես նաև ՀՀ-ում հայտարարված արտակարգ դրությամբ պայմանավորված, զանցանքները դիտվում են որպես նվազ նշանակություն ունեցող արարքներ:

Ելնելով վերոգրյալից և նկատի ունենալով, որ Արմեն Մուրադյանի կողմից ձեռնարկվել են համապատասխան միջոցներ հարկային պարտավորությունները սահմանված ժամկետում կատարելու համար, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21, 244², 281 հոդվածներով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Խաչատուր Անտոնյանին ազատել վարչական պատասխանատվությունից և հայտարարել բանավոր դիտողություն:

2. Խաչատուր Անտոնյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: